



8. maj 2024

UPA2024/56

Filmilornermi aningaasartuutit utertinneqartarnerat pillugu Inatsisartut inatsisissaattut siunnersummiq saqqummiussinissamik Naalakkerusisut peqquneqarnissaat pillugu Inatsisartunut aalajangiiffigisassatut siunnersuut. Inatsimmi nunatsinni filmilornermi aningaasartuutit 25 %-iinik utertitsisinnaanissaq pisinnaanngortissavaa, maannalu aningaasanut inatsimmi oqaasertaliussaq aqqutigalugu maleruagassiorneq taarsissallugu.

(Inatsisartunut ilaasortaq, Peter Olsen, Inuit Ataqatigiit).

Peter Olsennip Inatsisartunut ilaasortap, Inatsisartunut aalajangiiffigisassatut siunnersuut Siumumit ima oqaaseqarfingissavarput.

Siullermik Peter Olsen Siumup qutsavigerusuppa, aalajangiiffigisassatut siunnersuuteqarneranut. Siumumit filmilornermik aamma isiginnaarsitsisarnermilu suliaqarneq, pingaaruteqartutut isigaarput.

Ukiunilu kingullerni ilaatigut ineriartorneq ima sukkatigaaq ilaatigut nunatsinniit aamma meeratatta aamma inersimasortatta Filmiliaritsinniartalerannik kinguneqartumik Hollywood-imilu ilaatigut nunatsinniit innersuussuteqartnera takornartaajunnaartoq Filmiliortunik Siumup ilisimaaraa, assut tullusimaannarlunilu aamma nunatta ineriartorneq pitsasumik Siumup inissaminiittutut isigivaa.

Siumut isumaqarpoq suli annerusumik aamma nunatta inerisarnissaanut alloriarnerit una ilagiinnaraat. Tamaammat Filmiliornikkut suli annerusumik Nunatta nittarsaattuarnissaa pingaaruteqartutut Siumup isumaqarfingaa. Suliaqartullu inuit suliaqartut annerusumik, kissaateqarnerat tamakkiisumik Siumup nunatsinni angerlasimasutut aamma Filmiliortartut suliaqarsinnaanerulernissamik nunatsinni kissaateqarnerat tusaalluarparput.

Kingunerisassaanut nunatsinnut tuttussat, siunissani anginerusumik nunaqqataasut inerisarnissaat suli annertunerujartortumik kinguneqartussaanerat allaat Filmilornermik suliaqartunut kingunissa suli annerulissasoq Siumut tamakkiisumik taperserpaa.

Taamatut naatsumik oqaaseqarluta Naalakkersuisut allannguutissatut siunnersuutaat Siumup taperserpaa.

Ataatsimiittiamullu susassaqartumut ingerlateqqillugu.

Dines Mikaelson, Siumut